

Uputstvo o razmjeni informacija koje se odnose na proces pečaćenja i ulaska u posjed imovine koje je prihvatilo svih pet ministarstava i načelnika koji su učestvovali u njegovoj izradi

Organizacije koje djeluju unutar Plana provedbe imovinskih zakona (PLIP) sa zadovoljstvom najavljuju završetak izrade teksta Uputstva o razmjeni informacija koje se odnose na proces pečaćenja i ulaska u posjed imovine. Tekst je prihvatilo pet entitetskih i državnih ministara i gradonačelnik Distrikta Brčko, koji je učestvovao u njegovoj izradi i koji će nadgledati njegovu provedbu.

Naime, Uputstvo su prihvatili gosp. Mićo Mičić, ministar za izbjeglice i raseljena lica RS, gosp. Ramiz Mehmedagić, federalni ministar prostornog uređenja, gosp. Krešimir Zubak, ministar ljudskih prava i izbjeglica BiH, gosp. Mijat Tuka, federalni ministar socijalne politike, izbjeglica i raseljenih osoba i gosp. Siniša Kisić, gradonačelnik Brčko distrikta. Uputstvo je izrađeno u formi sporazuma, koji će ubrzo potpisati svaki od ministara i gradonačelnik, te će se objaviti u službenim glasilima Entiteta, Bosne i Hercegovine i Brčko distrikta. OSCE je istovremeno angažirao stručnjake koji će obići sve stambene urede u Bosni i Hercegovini i obučavati osoblje za primjenu Uputstva, a CRPC je operacionalizirao bazu

podataka na osnovu koje će biti moguće pratiti razmjenu informacija i olakšavati dalji postupak.

Brzim otkrivanjem privremenih korisnika koji su izgubili pravo na alternativni smještaj u mjestu raseljavanja, na osnovu toga što su drugdje vratili u posjed svoju predratnu imovinu, ovaj program ima potencijal da uveliko olakša proces provedbe imovinskih zakona u cijeloj Bosni i Hercegovini.